

Mid-Day Dogri News Bulletin, 02nd March 2025

समे — 12:25

<><><><><><>

Dy. CM Sports

उपमुख्यमंत्री सुरिन्दर चौधरी होरें जोर देइयै आखेआ ऐ जे सरकारै खेड्ड गतिविधिएं गी बढ़ावा देने ते सरकारी ढांचे दे विस्तार लेई व्यापक सरिस्ता अमल च आन्नेआ। एह्दे कन्नै खित्ते व खडारिणं दा पूरा पराता विकास जकीनी बनोग। एह् गल्ल उनें देहरादून च होई दी 30मीं राष्ट्रीय खेड्डे च जूडो च कैह् दा तगमा जित्तने आले आर.एस.चिब होरें गी सम्मानत करदे होई आक्खी। जम्मू कश्मीर दे खडारिणं दी राष्ट्रीय सतह पर उपलब्धिएं दी ाराहना करदे होई उपमुख्यमंत्री होरें युवा खडारिणं गी पूरे समर्थन ते सैह्योग दा भरोसा दोआया।

<><><><><><>

Rajouri Villagers

ग्रामीण आजीविका गी बढ़ावा देने ते राई—बाई दे विकास गी बढ़ावा देने दे मकसद कन्नै राजौरी दे डिप्टी कमीशनर अभिषेक शर्मा होरें इक बैठक दी अध्यक्षता कीती। इस दरान राष्ट्रीय ग्रामीण आजीविका मिशन तैह्त् इंटीग्रेटिड फार्मिंग क्लस्टर दी प्रगति दा जायजा लैता गेआ। इस जतन दा मकसद ग्रामीण समुदाय चराई—बाई ते सरबन्धी गतिविधिएं गी बढ़ावा देना ऐ। बुद्धल ब्लाक दे दरसाकरी, हुब्बी, केवल ते लसकुटी गी चुनेआ गेआ ऐ। इनें गी इस प्रोग्राम तैह्त् लाह् थ्होग। इत्थें मुख्करी ध्यान अखरोट, मक्क, राजमा ते उन्न पर दित्ता जाग, की जे इस खित्ते च इंदी बड़ी मती समर्थ मजूद ऐ। डिप्टी कमीशनर होरें राजमा गी पैक करने सरबन्धी इकाइयां, अखरोट गी डब्बा बंद करने सरबन्धी यूनिट ते होर दुए कम्में पर ध्यान देने दी जरूरता पर जोर पाया। अधिकारिणं गी आखेआ गेआ जे ओह् कम्में गी सुचारू ढंगै सिर करने लेई आपूँचै नेड़मां मालमेल बनाइयै कम्म करन।

<><><><><><>

Nasha Mukht Seemayein kathua

बन्ने आहले इलाकें च नशे दी कवैतू दा मुकाबले करने लेई इक असरदार गैह् पुट्टदे होई कठुआ दे डिप्टी कमिशनर डाक्टर राकेश मिन्हास होरें कठुआ दे सरकारी डिग्री कॉलेज थमां 'नशा मुक्त सीमाएं' दे नांS कन्नै मोटरसैकल रैली गी झंडी दस्सियै रवाना करोआया। शक्ति

उद्घोष फाउंडेशन आसेआ आयोजित इस रैली च 15 महिलाएं सने कुल 25 मोटरसैकल सोआर हिस्सा लैऽ करदे न जेह्दे 5एं दिनें दी अवधि दरान कठुआ-जम्मू-अखनूर-रजौरी ते पुंछ सर्किट दे बक्ख-बक्ख हिस्सें थमां लंग्घदे होई नशे दी कवैतू दे माड़े नतीजें बारै लोकें, ते खासकरियै नौजवानें गी जागरूक बनाडन। डाक्टर मिन्हास होरें नशे दी कवैतू पर रोक लाने लेई सांझे जतनें दी जरूरतै पर जोर पाया ऐ ते सब्भनें लोकें, एजेसिएं ते संस्थानें गी गुजारिश कीती ऐ जे ओह नशा-मुक्त समाज दे निर्माण च अपनी जोगदान देन।

<><><><><><>

Annoncement

आकाशवाणी जम्मू दे क्षेत्रीय समाचार एकांश आसेआ कठुआ जिले लेई अंशकालिक संवाददाता यानि पीटीसी लेई दरखास्तां मंगियां गेइयां न। इच्छुक आवेदक जेहदी उमर 24 थमां 50 बरें दे बश्कार ऐ ते ओह कठुआ जिले दा रौहने आहला ऐ, इस लेई आवेदन करी सकदा ऐ। मेदवार कश पत्रकारिता च पी.जी डिप्लोमा, डिग्री या कुसै बी पंजीकृत यूनिवर्सिटी थवां ग्रैजुएशन ते पत्रकारिता च 2 बरें दा तजुर्बा होना लोड़चदा ऐ। मेदवार गी कम्प्यूटर पर खबर बनाने ते मीडिया कवरेज दे अनुभव सने सरबंघत लोड़चदे उपकरणें वगैरा दा इस्तेमाल करना बी औना चाईदा। आवेदक जिला सदर दफ्तर दी 10 किलोमीटर दी हद्द दे अंदर-अंदर रौहदा होना चाईदा ऐ। दरखास्त ते लोड़चदे दस्तावेजें दी कॉपी मेदवार गी क्षेत्रीय समाचार एकांश आकाशवाणी पंजतीर्थी पिन कोड 180001 उप्पर उप्पर 07 मार्च 2025 थवां पैहले-पैहले आइए दस्ती जमा करोआनी होग। इस बारै व्यापक जानकारी आकाशवाणी दी वेबसाइट www.newsonair.gov.in पर उपलब्ध ऐ।

<><><><><><>